

## Der. I. Titel des ersten tractats

### Wie einer dem andern fürpieten sol

**C**emnach setzen vnd ordnen wir /welcher etwas wider den andern zü klage hat /das er das rechtlich thün /vnd sine widersacher allweg turch vnser Stattknecht /für das Stattgericht /oder ob der handel darnach wer /für vnsern Rat fürgepieten /vnd wo er vff das erst fürgepott nit erschynt /so sol im züm andern /vnd wo er abermal nit erschynt darnach züm drittemal fürgepotten werden.

### Wie vnd wo die Stattknecht fürpieten mögen.

**V**nd sollent die Stattknecht solch fürgepott dem anwürter vnder ongen /in oder vffterhalb irer hüsler /sy mögen inen ouch sollich fürgepott vff irn gütern thün /on vndercheid sy syent burger oder soldner. Vnd ob den inen fürgepieten wer /die vnter vögten registert werden /sy syent wer sy wöllen /so sol mā den vögten vnd nit den vogparn personē fürpieten.

### Wie man den Edlen vnd vffburgern fürpieten sol.

**W**olt yemants den Edlen so vnser burger synd /vnd vffterhalb der Statt sitzen /oder andern vnsern vfftergeren fürpieten /der sol inen ein schriftlich Citacion oder tagsazüg vnder vnser Statt /oder des Schule heissen in sigel mit einem geschwornen vnserm Stattbotten vnder ougē oder weñ er nit zü im kommē möchte /zū huf vnd hoff verkündē /vnd sol im solcher gestalt ouch drymal fürgebotten werden.

### Ob der antwürter abwesend wer /oder sich verhielt /wie vollfaren sol werden.

**O**b aber die selben antwürtere nach dem fürgepott /oder sunst abwesend weren /so ist der kläger schuldig zü warten /Bis er anheimisch kompt /es wer dan das die gerürtē antwürtere sich generlich vfferten /in den hüsler verschlügen /vnd ir gegenwürtigkeit verhieltē /so sol mā inen zü huf ze hoff verkünden /vnd dem kläger recht ergan lassen /wie hier ach stat.